



Ukiumoortumik nalunaarusiaq 2017

Kalaallit Nunaanni tarnimikkut Nappaatillit Maalaarutaannik Aalajangiisartut

April 2018

IMARISAI

AALLAQQASIUT3

IMMIKKOORTOQ I: Tarnimikkut Nappaatillit Maalaarutaannik Aalajangiisartut4 - 5

1.1. Katitigaanerat

1.2. Piginnaasaqarfiit suliassallu

1.3. Suliap aalajangiisarnerrullu nassuiaatissartaat

IMMIKKOORTOQ II: 2017-imi suliat amerlassusaat, agguataarneqarnerat il.il.5 - 6

IMMIKKOORTOQ III: Tunngaviusumik ajornartorsiutit.....6

AALLAQQAASIUT

Tarnimikkut Nappaatillit Maalaarutaannik Aalajangiisartut ukiut tamaasa tamanut saqqummiussassamik suliatic pillugit nalunaarusiortartussaapput. Dronning Ingridip Napparsimmavissuani tarnimikkut nappaatilinnut immikkoortortaarfik suleqatigalugu ukiumoortumik nalunaarusiortoqartussaammat, ukiumoortumik nalunaarusiaq tamanut saqqummiunneqartsinnagu, Napparsimmavissuarmi tarnimikkut nappaatilinnut immikkoortortaarfimmu saqqummiunneqaqqaarpoq. Napparsimmavissuarmi tarnimikkut nappaatilinnut immikkoortortaarfik ukiumoortumik nalunaarusiamut oqaaseqaatissaqanngilaq.

Siornatigut pinngitsaaliissummik iliuuseqarnissat pillugit aalajangiinerit, tamatuma nalaani tarnimikkut nappaatillit napparsimmavimmi uninngasarnerat pillugu inatsit naapertorlugu aalajangiinerit justitsministeeriamut maalaarutigineqarsinnaapput. Suliassaarfik tarnimikkut nappaatilinnut pinngitsaaliinikkut iliuuseqartarney 2008-mi Kalaallit Nunaannut nuunneqarmat, Kalaallit Nunaanni tarnimikkut nappaatillit pillugit nutaamik inatsisiliornissamut piareersarney aallartinneqarpoq. Tarnimikkut nappaatilinnik nammineersinnaajunnaarsitsineq allatigullu pinngitsaaliissummik iliuuseqarney pillugu Inatsisartut inatsisaat (tarnikkut nappaatillit pillugit inatsit) nr. 24, 3. december 2012-imeersoq juulip aallaqqaataani 2013 atuutilerpoq.

Tarnimikkut Nappaatillit Maalaarutaannik Aalajangiisartut tarnimikkut nappaatillit pillugit inatsimmi § 41 naapertorlugu pilersinneqarput. Pinngitsaaliissummik napparsimmavimmut unitsitsineq, pinngitsaaliissummik tigummigallagassanngortitsineq, napparsimmavimmi uninngasumik takkutinnitsoortumik/qimaasimasumik pinngitsaaliissummik utertitsineq, pinngitsaaliissummik katsorsaaneq, napparsimmavimmiit angerlareernermi pinngitsaaliissummik malittarinnineq, pinngitsaaliissummik aalaakkiineq, nakuuserfiginnineq, napparsimasoq illersorniarlugu pinngitsaaliissummik aalaakkiineq, nalunaaquttap akunneri 24-it sinnerlugit ataannartumik immikkut nakkutilliineq immikkoortortamilu matunik parnaarsineq pillugit maalaarutit, Aalajangiisartut suliassaraat.

Tarnimikkut nappaatillit pillugit inatsimmi § 41 naapertorlugu, Tarnimikkut Nappaatillit Maalaarutaannik Aalajangiisartuni ilaasortat tassaapput: inatsisileritooq siulittaasuusoq, Nunatsinni Nakorsaaneq tarnimikkullu nappaatillit ilaqutaasalu peqatigiiffianit aallartitaq tarnimikkut nappaatilinnut sinniisuusoq.

Tarnimikkut Nappaatillit Maalaarutaannik Aalajangiisartut allatseqarnikkut Nunatsinni Nakorsaaneqarfimmit isumagineqarput.

IMMIKKOORTOQ I: Tarnimikkut Nappaatillit Maalaarutaannik Aalajangiisartut

1.1. Katitigaanerat

2017-imi inatsisileritooq Anita Strauss Sørensen Aalajangiisartuni siulittaasuvoq sinniisussaattullu inatsisileritooq Rebekka Bisgaard toqqagaalluni.

Aalajangiisartut 2017-imi nakorsartaraat Nunatsinni Nakorsaaneq Henrik Trykker oktobarip ulluisa aallaqqaataanniit Henrik L. Hansenimit kingoraarneqartoq. Nunatsinni Nakorsaaneqarfimmi peqqissaasoq Rikke Bruun de Neergaard 2017-imi nakorsatut ilaasortamut taartaavoq.

Tarnikkut nappaatillit ilaqutaasalu peqatigiiffianni siulittaasoq Esekias Therkelsen Aalajangiisartuni ilaasortassatut toqqarneqarpoq, 2017-imi Esekias Therkelsen-imut sinniisussamik toqqaasoqanngilaq.

2017-imi Aalajangiisartunut allatseqarnikkut isumaginnittuvoq allaffissornermi Kontorfuldmægtig-i Tania D. Broberg Nunatsinni Nakorsaaneqarfimmeersoq.

1.2. Piginnaasaqarfiit suliassallu

Aallaqqaasiummi nassuiaatigineqartut Tarnimikkut Nappaatillit Maalaarutaannik Aalajangiisartut pinngitsaaliissummik iliuuseqarnissamik aalajangiinerit pillugit maalaarutininik suliqartarput.

Napparsimasut tarnimikkut nappaatilinnut immikkoortortaqaqarfimmi uninnganermi qulaani taaneqartut arlaannik pinngitsaaliissummik iliuuseqarfigineqarneq pillugu maalaarutaannit, Tarnimikkut Nappaatillit Maalaarutannik Aalajangiisartut suliassaata aallaaveqarput. Napparsimasumut siunnersortip akuliunneragut imal. maalaarutip allaganngorlugu oqaatsilluunniit atorlugit napparsimmavimmi sulisunut apuunneqarluni taakkunanga piaarnerpaamik, allagaatit allat suliambut tunngassutillit, (nakorsap uppernarsaataa, napparsimasoq pillugu allattugaatit, uninnermut atatillugu nalunaarsukkat, pinngitsaaliinermi ileqqulersuutissat naapertorlugit nalunaarsuineq il.il.) ilanngullugit Aalajangiisartunut nassiunneqartarpoq.

Tarnimikkut Nappaatillit Maalaarutaannik Aalajangiisartut aalajangiinerminni, assersuutigalugu maalaarut Aalajangiisartut piginnaatitaaffiisa avataaniippat, itigartissinnaavaat ingerlateqqissinnaallugulluunniit. Aalajangiisartuni suliamik ingerlatitseqqiinissamik aalajangiinerminni, pinngitsaaliissummik iliuuseqarneq akuerineqarsinnaavoq imaluunniit eqqunngitsumik iliornerut nalilerneqarsinnaalluni. Pinngitsaaliissummik iliuuseqarnissamik aalajangernerminik maalaaruteqarneq, Aalajangiisartunit itigartinneqarsinnaavoq akuerineqarsinnaallunuunniit.

Maalaarut Tarnimikkut Nappaatillit Maalaarutaannik Aalajangiisartut naliliinissaasa tungaannut pinngitsaaliissummik iliuuseqarnissamik kinguartitsinnaasoq pineqarpat, Aalajangiisartut ulluinnaat arfineq marluk qaangiutsinnagit aalajangiissapput. Pinngitsaaliissummik iliuuseqarnerni allani Aalajangiisartut sapinngisaq tamaat piaarnerpaamik aalajangiissapput, maalaarutillu Aalajangiisartunit tiguneqarneriniit ullut 14-it qaangiutsinnagit aalajangiisoqanngippat, Aalajangiisartut napparsimasoq siunnersortaalu tamatuma sumik patsiseqarneranik qaqugulu aalajangiivigineqarsinnaanissaanik ilisimatissavaat.

Tarnimikkut Nappaatillit Maalaarutaannik Aalajangiisartuni ataatsimiinnerit Dronning Ingrid-ip Napparsimmavissuani tarnimikkut nappaatilinnut immikkoortortaqaqarfimmi ingerlanneqartarput. Nakorsaaneq, napparsimasoq, napparsimasumut siunnersortaasoq, pisariaqarpallu tarnimikkut nappaatilinnut immikkoortortaqaqarfimmi sulisut maalaarummut naapertuuttumik attuumassutillit, ataatsimiinnerup aggersarneqartarput. Tarnimikkut Nappaatillit Maalaarutaannik Aalajangiisartut ataatsimiinnerup naammassinerani aalajangiisarput, ataatsimiinnerullu kingorna ullup ataatsip marlulluunniit qaangiunneranni aalajangerup illuatungeriinnut nassiunneqarnissaa anguniarneqartarluni.

1.3. Suliap aalajangiisernerullu nassuiaatissartaat

Suliaq tassaavoq napparsimasup Tarnimikkut Naapaatillit Maalaarutaannik Aalajangiisartunut maalaarutaa imal. maalaarutai ataatsinmiinnermi aalajangersimasumi suliarineqartut. Maalaarut arlalinnik immikkoortoqaraluarpalluunniit ataasiinnartut isigineqartarpoq. Napparsimasoq kingusinnerusukkut pinngitsaaliisummik iliuseqarfigineqarneq pillugu maalaaruteqaqqippat maalaarut taanna nutaatut isigineqassaaq.

Aalajangiineq pinngitsaaliisummik iliuseqarnermut akuersinertut itigartitsinertulluunniit nassuiarneqarpoq. Nassuiaat taanna naapertorlugu suliaq arlalinnik aalajangiivigineqarsinnaavoq. Tarnimikkut Nappaatillit Maalaarutaannik Aalajangiisartut pinngitsaaliisummik iliuseqarnerit assigiaartut arlallit, assersuutigalugu pingasoriarluni pinngitsaaliisummik aalaakkiinerit aalajangiiffigippatigik, taakku naatsorsueqqissaarnermi aalajangiinertut pingasutut naatsorsorneqassapput.

Taamatutaaq aalajangiineq akuersinermi, assersuutigalugu pinngitsaaliisummik tigummigallagas-sanngortitsinermik itigartitsinermillu, assersuutigalugu tamatuma attatsiinnarneqarnissaanik imaqarpat, naatsorsueqqissaarnermi aalajangiinertut marluttut naatsorsorneqassapput.

IMMIKKOORTOQ II: 2017-imi suliap amerlassusaat, agguataarneqarnerat il.il.

Tarnimikkut Nappaatillit Maalaarutaannik Aalajangiisartut 2017-imi suliassanik qulinik tigusippat, taakkunanga marluk Aalajangiisartut piginnaatitaaffiisa avataanniinnerat pissutaalluni itigartinneqarput, ataatsimillu suliarineqartinnani utertinneqartumik tigusaqarput. Sinneruttut arfineq marluk suliarineqarput.

Tarnimikkut Nappaatillit Maalaarutaannik Aalajangiisartut 2017-imi agguaqatigiissillugit ullut qulaaluat ingerlanerini suliap ingerlattarpaat. Piffissaq suliamik ingerlatsivik tassaavoq suliap Aalajangiisartunit tiguneqarneraniit aalajangiinerup napparsimasumut nassiunneqarnera. Aalajangiisartut napparsimasup maalaarutaannik tigusineranniit paasissutissat naapertuuttut allattugaatillu pissarsiarineqarnerat piffissamut suliamik ingerlatsivimmuut aamma ilaapput. Taamatutaaq arfininngornerit, sapaatit nalliuttullu piffissamut suliamik ingerlatsivimmuut ilaapput.

2017-imi maalaarutininik pinngitsaaliisummik iliuseqarfigineqarnernik kinguartitsinermik kinguneqartunik tigusaqartoqanngilaq.

Tarnimikkut Nappaatillit Maalaarutaannik Aalajangiisartut maalaarutininik suliqaartarneranni Aalajangiisartut ataatsimiittarnerisa, Dronning Ingrid-ip Napparsimmavissuani tarnimikkut nappaatilinnut immikkoortortaqaqfimmik ingerlanneqartarnissaat, maleruagassat pingaarnersaraat. Taamaasillutik 2017-imi suliap arfineq marluusut tamarmik tarnimikkut nappaatillit immikkoortortaqaqfianni suliarineqarput.

Tarnimikkut Nappaatillit Maalaarutaannik Aalajangiisartut ataatsimiinneranni, sulianik ingerlatsinermi nakorsamik, napparsimasumik, napparsimasumulluunniit siunnersortimik peqataasoqarnera immikkut oqaatigineqartarpoq.

Napparsimasoq nakorsaanerlu 2017-imi ataatsimiinnerni arfineq marlunni tamani peqataapput, marlunnilu napparsimasumut siunnersortaasoq peqataalluni.

2017-imi aalajangiivigisat amerlassusaat pinngitsaaliilluni iliuseqarnerit assigiinngitsunut agguataarlugit	
Pinngitsaaliisummik napparsimmavimmut unitsitsineq	2
Pinngitsaaliisummik napparsimmavimmi tigummigallagassanngortitsineq	5
Pinngitsaaliisummik aalaakkiineq	1
Matunik parnaarsineq	1
Eqqissisaatitortitsineq	1
Aalajangiivigisat katillugit	10

Aalajangiinerni tamani pinngitsaaliisummik iliuseqarnerit maalaarutigineqartut Tarnimikkut Nappaatillit Maalaarutaannik Aalajangiisartunit akuerineqarput.

Napparsimasumit siunnersortaanilluunniit piumasaqaataappat, pinngitsaaliisummik napparsimmavimmut unitsitsinerit, pinngitsaaliisummik tigummigallagassanngortitsinerit, napparsimmavimmi uninngasumik takkutinnitsoortumik/qimaasimasumik pinngitsaaliisummik utertitsineq pinngitsaaliisummillu katsorsaanerit, napparsimmavimmiit angerlartitserenermi § 17 naapertorlugu pinngitsaaliisummik malittarinnineq, pinngitsaaliisummik aalaakkiineq, nukersorfiginnineq, napparsimasoq illersorniarlugu pinngitsaaliisummik aalaakkiineq, nalunaaquttap akunneri 24-it sinnerlugit ataannartumik immikkut paaqqutarinnineq immikkoortortamilu matunik parnaarsineq, eqqartuussisarneq pillugu inatsimmi Kalaallit Nunaannut atuuttumi kapitali 28-imi maleruagassat naapertorlugit eqqartuussivimmut aalajangiivigisassan-ngortinneqassapput.

2017-imi Tarnimikkut Nappaatillit Maalaarutaannik Aalajangiisartut aalajangigaat, pinngitsaaliilluni katsorsaaneq pillugu maalaarutit marluk tiguneqartut eqqartuussivimmut suliaqkinnineqarput. Taakku sulii naammassineqanngillat.

IMMIKKOORTOQ III: Tunngaviumik ajornartorsiutit

2017-imi Tarnimikkut Nappaatillit Maalaarutaannik Aalajangiisartunit suliarineqartut annikitsuinnaanerat tunngavialugu tunngaviumik ajornartorsiutinik isummerfiginninnissamut pissutissaqarsimangilaq.

Taamaalilluni Aalajangiisartut isumaat naapertorlugu maleruagassat atuutinneqarnerat pillugu erseqqissaavigisarialinnik imal. nassuiartarialinnik 2017-imi suliani isummerfigiuminaatsoqarsimangilaq.

Aalajangiisartut 2017-imi suliaat tunngavialugit taamatuutaaq Aalajangiisartut isumaat naapertorlugu tarnimikkut nappaatillit pillugit inatsimmi Aalajangiisartut piginnaatitaaffiisa iluanni napparsimasunik nakorsaanermi piumasaqaatit eqquutsinneqarnissaat, Dronning Ingrid-ip Napparsimmavissuani tarnimikkut nappaatilinnut immikkoortortami nakkutigineqarpoq. Taamaakkaluaq nakorsaanerup suliami ataatsimi tarnikkut nappaatillit pillugit inatsisimmi aalajangersakkatut ullut qulissanni pinnani aatsaat ullut aqqanilissaanni pinngitsaaliisummik tigummigallagassanngortitsineq nalilivigeqqippaa, Aalajangiisartulli naliliinerat naapertorlugu pisumi tamatumani napparsimasup nakorsartinneranut pinngitsaaliisummilluunniit iliuseqarnermut tamanna sunniuteqanngilaq.